



KEMENTERIAN PEMBANGUNAN
USAHAWAN DAN KOPERASI

29/2025

SIARAN MEDIA

EWON TERIMA KUNJUNGAN DUA MENTERI BAHRAIN BINCANG KERJASAMA STRATEGIK DALAM SEKTOR PKS

KUALA LUMPUR, 6 Mei - Menteri Pembangunan Usahawan dan Koperasi, Datuk Ewon Benedick menerima kunjungan hormat dua menteri dari Kerajaan Bahrain di pejabatnya di Menara Kembar Bank Rakyat, di sini, hari ini.

Delegasi Bahrain itu diketuai oleh H.E. Noor Ali Alkhulaif, Menteri Pembangunan Lestari merangkap Ketua Pegawai Eksekutif Lembaga Pembangunan Ekonomi Bahrain (EDB), serta H.E. Abdulla Adel Fakhro, Menteri Perindustrian dan Perdagangan Bahrain (MOIC).

Kunjungan tersebut bertujuan memperkukuh hubungan dua hala dan meneroka peluang kerjasama strategik antara kedua-dua negara dalam bidang keusahawanan dan pembangunan perusahaan mikro, kecil dan sederhana (PMKS).

Perbincangan turut melibatkan pertukaran pandangan mengenai inisiatif bersama yang boleh dilaksanakan bagi memperkasa sektor PMKS, khususnya dalam sektor berimpak tinggi, berpotensi pertumbuhan besar serta pemeraksanaan amalan Alam Sekitar, Sosial dan Tadbir Urus (ESG) dalam kalangan usahawan.

Delegasi Malaysia turut disertai oleh Ketua Setiausaha Kementerian Pembangunan Usahawan dan Koperasi (KUSKOP), Dato' Sri Khairul Dzaimie Daud; Timbalan Ketua Setiausaha (Pembangunan Keusahawanan), Datuk Haji Zamri Salleh; Timbalan Ketua Setiausaha (Dasar dan Pemantauan), Noor Afifah Abdul Razak serta ketua-ketua agensi di bawah KUSKOP.

Pertemuan tersebut menzahirkan komitmen bersama kedua-dua pihak untuk memperkukuh jaringan kerjasama antara Malaysia dan Bahrain dalam bidang keusahawanan dan pembangunan PKS selaras dengan aspirasi pembangunan ekonomi mampan serantau.

KEMENTERIAN PEMBANGUNAN USAHAWAN DAN KOPERASI
6 MEI 2025